



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Venerabilis Patris Thomæ à Jesu ... Opera Omnia**

Homini Religioso Et Apostolico Tam Qvo Ad Vitæ Activæ, Qvam  
Contemplativæ functiones utilissima, Duobus Tomis Comprehensa. In  
Qvibvs Singvlari Pietate, Varia Ervditione Clariori Et Breviori Stylo  
Continentvr Et Explicantvr ...

**Tomás <de Jesus>**

**Coloniæ Agrippinæ, 1684**

Animadvertendum

**urn:nbn:de:hbz:466:1-38601**

## ANIMADVERTENDUM

Quod venerabilis Author noster superiori Operi præmiserat, & Romanis typis vulgaverat anno 1610. insignem Tractatum in quinque partes divisum, inscriptum, *STIMVLVS MISSIONVM*, sive, *de propaganda à Religiosis per uniuersum orbem fide*. In quo de dignitate, præstantia atque utilitate hujus functionis præclare disleritur, ac demonstratur, quod animarum cura post ecclesiæ prælatos, præcipue ad Religiosos Ordines pertineat; subjiciturque compendium privilegiorum ac gratiarum à Romanis Pontificibus Regularibus inter Hæreticos & infideles, in propagatione fidei laborantibus, concessarum. Dicaverat hoc opus Paulo V. cui *Thomas* noster, ob suam raram eruditionem, & eximiam divini honoris, animarumque salutis zelum, acceptissimus fuit.

Verum, quia ea penè omnia, quæ in *prima, secunda, & tertia parte stimuli missionum* pertractat, *libro primo & secundo* de conversione omnium Gentium procuranda, & quæ *4. parte* in mox subjiciendo opere *parte 2. dubio 5.* inseruit, superfluum erit Tractatum hunc hic adungere, ne eadem repeti videantur.

Juvabit tamen nonnullos subindicare, qui post Ven. *Thomam* nostrum è nostris, de hoc argumento scripsêre. E quibus primus fuit Ven. *P. Hieronymus à Matre Dei*, alias *Gratianus* quondam S. M. TERESIÆ à Confessionibus, & Carmelitarum Excalceatorum Provincialis, qui Hispano idiomate Martini edidit Tractatum de missionibus instituendis ad infidelium & Hæreticorum conversionem, sub hac inscriptione, *zelus propagationis Fidei* &c. qui Italicè versus prodijt Romæ an. 1620. Hic anno 1582. Superior existens in Hispania discalceat. Carm. misit diversos ex illis in Congo & alia Indiarum regna pro conversione infidelium; idem fecit an. 1584. & 1585. miracula quæ ibidem patrarunt, & fructum quem retulerunt conversionis infidelium refert paucis in dedicatoria epistola ejusdem operis.

Hunc secutus Ven. *P. Joannes à JESV MARIA* tres edidit de hoc argumento tractatus, quorum primus inscribitur, *Affertio missionum, & rationum aduersarum resolutio*. Alter qui in tres dividitur partes, *Instructio Missionariorum*. Prima pars agit, *de virtutibus, doctrina & moribus pro Missionibus requisitis*, II. Pars, *de modo persuadendi mysteria Fidei*. III. *de modo persuadendi temperantiam*. Tertius Tractatus *Liber Missionum*, qui etiam bipartitus est; primaque pars Historiæ more procurrit: *secunda* vero summor. Pontificum, & aliorum Principum litteras, privilegia, & alia ejusmodi scripta complectitur. Hoc tamen opus, morte proventus Author absolvere non valuit, Extant hi Tractatus Tomo 4. operum ejus Coloniz an. 1650. recursorum.

R. quoque *P. Philippus à SS. Trinitate*, Præpositus Generalis Carmelitar. discalceat. Congregationis S. Eliæ, in sua *Theologia Carmelitana*, sive *Apologia Scholastica Religionis Carmelitana &c.* Romæ edita an. 1665. quæst. 27. & 28. per 13. Articulos agit de missionibus, & inter alia probat & demonstrat Carmelitas discalceatos specialiter laborare & cooperari conversioni Græcorum, Armenorum, Nestorianorum, Syrorum, Jacobitarum, Sabæorum, seu Christianorum S. Joannis, & Christianorum S. Thomæ, fuisseque primos, qui in regno Congo fidem Christi prædicarunt; pluraque alia adducit missiones concernentia, lectuque dignissima.

R. P. Maurilius à S. Michaeli, Gallus zelo salutis animarum accensus ad insulas Americanas profectus per plures ibidem annos fructuose in vinea Domini laboravit; edidit Parisijs Tractatum *de missionibus ad istas Regiones*; qui pluries recusus fuit, & alium *de Fidei Mysterijs* Andegavi an. 1664.

Tandem, ut nunc alios transeam, *P. Matthias à Corona* Leodiensis Carmeli alumnus, & sac. Theologiz Doctor Parisiensis, in suo vasto opere inscripto, *sanctus as Ecclesiæ Romanae in Sancto ELIA propheta, Carmelitarum protoparente figuratus*; sive *Expositio litteralis, mystica & moralis à cap. 17. lib. 3. Reg. & reliquorum, usque ad cap. 13. lib. 4. Reg. inclusive, Historiam SS. Prophetarum ELIÆ & ELISEI complectens, atque Ecclesiæ Romanae (anctimoniam XII. Tomis delineans*. Hic Tomo VI. Leodij an. 1675. excuso, quem totum impendit in demonstranda Ecclesiam sanctam à Missionibus Apostolicis, seu ab utilitate sacrarum missionum, & à Missionariorum virtutibus, privilegijs, officio & potestate, dividitur hic Tomus in 3. Tractatus.